



11. februar 2014

UPA 2014/60

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

Aatsitassanut ilinniarfiup Nunatta kujassisortaani immikkoortortaqarfekalersinnaanera pillugu Naalakkersuisut misissueqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortat Knud Kristiansen aamma Gerhardt Petersen, Atassut)

Tunngavilersuut:

Nunatta pisuussutai aallaavigalugit Kalaallit Nunatsinni aatsitassarsiornikkut ineriertitsisoqarsinnaaneranut periarfissat annertupput, tamatumalu malitsigisaanik Nunarput aatsitassarsiorn'erup tungaatigut inisisimalluarpoq.

Tassunga tunngatillugu ATASSUT-mit pingaartilluinnarpalput Kalaallit Nunatsinni sulisinnaasut sutigut tamatigut atorluarneqarnissaat aammalu nunatsinni innuttaasut pikkorissarnissaminnut ilinniarnissaminnullu periarfissarissaartinneqarnissaat, taamaammat assut naammagisimaarpalput Tech College Greenland teknikkimut tunngasunik ilinniartoqarfinnik eqiteriffittut Sisimiuni ineriertortinneqarmat, tassani aamma ilinniakkat aatsitassarsiornermut sammisut ineriertortinneqarlutik.

Taamaattorli aamma siammasissumik nunatsinni isorartoorsuarmi najugaqarnerput innersuussutigalugu, ineriertitsinermut ilutigalugu kissaatiginartipparput, sumiiffinni qanitariinni ilinniakkamik ingerlatsisoqarsinnaanissaa periarfissaassasoq. Matuman i sumarput malillugu torrallataassaaq Kalaallit Nunatta kujassisortaani Aatsitassanut ilinniarfik immikkoortortaqalissappat, Tassami ilisimaneqarpoq annertuumik sumiiffinni assigiinngitsuni aatsitassarsiornermik ingerlataqartoqalernissaani kissaatiginnitqarmat piareersartoqarlunilu.



ATASSUT INATSISARTUNI

Inuussutissarsiuutnik ilinniartitsinerit aamma inuussutissarsiuutnik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi kapitel 4 § 10 imm. 3 naapertorlugu taamatut pilersitsisoqarnissaanik Naalakkersuisut aalajangernissaminut periarfissaqartinneqareerput, tassani aalajangersagaammat inuutissarsiuutnik ilinniartitsinerit ilinniarfinni suliffeqarfinnilu allani ingerlanneqarnissaat Naalakkersuisut akuerisinnaagaat.

ATASSUT-mit isumaqarpugut Tech College Greenland, sumiiffimmi inuussutissarsiuutnik ingerlataqartut aammalu ingerlatseqatigiiffiit aatsitassarsiorumallutik ingerlataqartut suleqatigalugit Aatsitassanut ilinniarfiup immikkoortortassaanik Naalakkersuisut pilersitsinissamik sulissutiginnilluarsinnaasut, tamannalu ilinnialerumaartussat, inuussutissarsiortut avataaniillu suleqataajumasut pissarsilluaatigalugulu iluaqtigilersinnaagaat qularutiginngilarput.

Pisortanut aningaasatigut allaffissornikkullu kingunerisassat:

Pilersitsisoqarsinnaaneranik misissuineq allaffissornikkut kinguneqassasoq naatsorsuutigineqassaaq, tamannalu ukiumut sulinerup sisamararterutaanik, aningaasanngorlugu 125.000 kr. missaanik annertussuseqassasoq missiliutigineqassaaq.

Namminersorlutik inuussutissarsuiteqartunut aningaasatigut allaffissornikkullu

kingunerisassat:

Soqanngilaq

Innuttaasunut aningaasatigut allaffissornikkullu kingunerisassat:

Soqanngilaq